

6

# Der Christlich vnd Gewaltigzug in das Hungerland.

Zu Ehren dem Durchleuchtigsten Fürsten  
vnd Herrn Herrn Ferdinand Erzhergogen  
zu Osterreich etc. vnserm Allergenedigsten  
Herren, beschriben durch Wolfgang  
Schmälzl Pfarherrn bey Sant  
Lorenzen auff dem  
Stainfeld.

M. D. LVI.

Gedruckt zu Wienn in Osterreich, durch  
Raphaeln Hofbalter vnd  
Caspam Krafft.



Univ. Bibl.  
München

**Z**we Tausentvnd Fünffhundert Jar  
Auch Sechsvndfünffzig geschriben war  
Der Türck sich für den Sygeth legt  
Dardurch der thewer Held erwegt  
Fürst vnd Erzhertzog Ferdinand  
Zuziehen in das Hungerland  
Sein hertz nit lenger dulden kundt  
Die Christen lassen gehn zu grund  
Wolauff in Gottes nam, er sagt  
Auff Christum sey es frey gewagt  
Der wirdt ons trewlichen beystehn  
Dein Nam nit lassen vndergehn  
So bald er sich bewilligt het  
Alle volck von hertz sich frewen het  
Fürsten, Herren vnd Ritterschafft  
Machten sich auff mit aller krafft  
Desgleichen alle vnderthan  
Dem Christlichen Fürsten beystand zthan  
Es kam zusam in kurgem lauff  
Ein gwaltig volck vnd grosser hauff  
Bartholomej sich ansieng  
Der Zug darumb Erzhertzog gieng  
Zu Küniglicher Maiestet  
Namb vilaub sich beuelhen het  
Sprach, Ewr Maiestet vnd Vatter mein  
Die zeit ist hie, vnd muesz nur sein

Den Christen machen frid vnd rhuē  
Der Türck vns zwingt vnd nōt darzue  
Weil Erw Maiestet nun alt vnd schwach  
Ich aber jung, basz leyden mag  
Will ich für sie streitten vnd fechtē  
Vnschuldigs bluēt mit Gots hilff rechnē  
Desz der Türck vil vergossen hat  
O Gott gib deinen höchsten rath  
Der König sprach, sol ich mein Sun  
In solch gferligkeit schicken nun  
So stehe Im bey in aller not  
Dein Nam nit laß werden zum spot  
Solch muetwill nit mit vns werd tribē  
Sprechen, wo ist erw Gott nun blibē  
O heylige Dwyfaltigkeit  
Behüet In yes vnd alle zeit  
Zr mildte hend sie schlossen zsam  
Fart hin mein Sun in Gottes nam  
Beuelcht euch Gott tag vnd auch nacht  
Der wirdt euch geben sterck vnd macht  
Den Feind Christliches Nams zustillē  
Das gschech herz Vatter in Gottes willē  
Aliner den andern schon ombfieng  
O Gott wie hochs zu herzen gieng  
Wie schwerlich zung aussprechen kundert  
Gott gsegn, Gott spar euch frisch vñ gsund  
Der

Der Vatter herglichen seuffzet seer  
Der Sun sprach, Ich will ewer leer  
Vergessen nit zu aller zeit  
Auff Christum anfangen den streit  
Der wirdt gwisz sein auff vnser seiten  
Ade ich mag nit lenger peitten  
Wie man die Fendlein fliegen sach  
Vor Wienn, das volck zuliess vnd sprach  
O Gott hilff, halt in deiner huet  
Vnsern Fürsten das thewer bluet  
Das er vns sighaftt widerkumb  
Vor freuden das volck waint vmb vnd vmb  
Ehe diser Fürst solt leiden not  
All wolt wir gehn mit Im in tod  
Als dann der Zug gieng gwaltig an  
Man sah manch starcken kuenen man  
Kein mensch gedencet auff diser erdn  
Das zogen waren souil Herrn  
Darzue ain Fürst von Osterreich  
Es was fürwar ein ernst gleich  
Dem Fürsten von Mauen ward zugstelet  
Der Hof sah/zfüern in freyem feld  
Gar schön mit gold durchausz geziert  
Darauff ain Weinstock gmalet wierdt  
Der ist fruchtbar, tregt wider wein  
Wie wir auch der hoffnung sein

Alles Hungerland verwüest / vernicht  
Werd fruchtbar / wider auffgericht  
Ob dem Weinstock steht geschriben da  
Virtute duce, comite Gratia.  
Welches auff Teutsch wirdt außgerait  
Nicht Tugend füert / die Gnad belait  
Im Rhenffendlein wirdt also geschriben  
Güetigkeit mich darzue hat triben  
Bey disem Sahn ist an der hand  
Der frumb Erzhertzog Ferdinand  
Das ich der Herren lob entdeck  
Herr Graf Julius von Hardegl  
Zu Fürstlichen Durchleuchtigkeit  
Was Hofmarschalch derselben zeit  
Herr Andre Teufel Stalmeister  
Ritten all wol gerüstet daher  
Desgleichen herr Hans von Weisprach  
Vnd Herr von Puechaim zogen nach  
Auch sunst vil Grafen / Ritter vnd Herrn  
Dem frummen Fürsten all zu ehren  
Die Artzalarey voran thet dingen  
Die Spil / drummeten hört man klingen  
Herr Hans von Diskaw ein Ritter  
Was obriister Zeugmeister  
Tausent dreyhundert vnd sechs Ross  
Füerten kugl / puluer vnd das geschoss

Ruckel

Rucket also auff Nincendorff zue  
Da was das erst leger vnd rhue  
Die Wagenpurgk ward gwaltig bschlossin  
Artlich fest in einander gstossin  
Mit tausent wägen oder meer  
Vmb vnd vmb vmb das gang Leger  
Wie gar fleissig tag vnd auch nacht  
Der frumb Fürst selbs beritt die Wacht  
Zu Egenfurt das ander was  
Zu dem Creutz rucket wir fürbasz  
Da lagen wir am dritten tag  
Zu Schöpring auch wie ich sag  
Hett wir ain leger was nit zuuil  
Zu Berdt ain nacht auch lag wir still  
Drey tag zu Hidweg bliben wir  
Der Schankknecht Sendorich lerman schrie  
Vnd machet ain auffruer geschwind  
Ein vol vnd bösz muetwillig gfind  
Auff hern Zeugmaister schossens losz  
Die Teutschen es gar sehr verdrosz  
Schluegen vnd pleuten sy danider  
Das sy seid nit kumen herwider  
Von dann zog wir auff disem ort  
Kamen gen Michelskirchen fort  
Do lagen wir ain tag on gfar  
Vnd kamen nachmals gen Zubar

Zu Michelsdorff bliben wir da  
Den Hauffn fand wir zu Sanisa  
Ehlich Kriegshleut vnd außzerlesn  
Vor Barowsch im scharmüsl gwestn  
Sich frewt das volck ja oberal  
Man schusz das in dem lufft erhall  
Der helle Hauff entgegen gieng  
Den fromen Fürsten schon emphieng  
Am aulfften Septembriis gar frue  
Eylt man mit halben Hauffen zue  
Gen Chrotna do der Türck inn lag  
Hinkham wir am vierzehenden tag  
Schussen hinein der staub auff gieng  
Der Landtsknecht hauff zstürmen anfieng  
Ee es zum sturm beschossen ward  
Darob etlich beschedigt hart  
Es halff weder mawer noch zeün  
Sy stigen wie die lagen ein  
Erstachen Türcken wie die hund  
Rainer sich mehr verpergen kundt  
Wie es nun an ein würgen gieng  
Ein Landtsknecht den obrüsten fieng  
Der gab jm Däbel vnd vil gelt  
Ja het er ghabt die ganze welt  
So het er gwiszlich sterben müessn  
Ich main man thet jm dhusten püessn

Tode



Todt Türcken lagen in dem Gschloß  
Das bluet heraus in graben flosß  
Rain namens gfangen/ halff kain pittn  
Der maist tail wurd auffgeschnitten  
Vnd fanden gelt in jren magen  
Saisst Türcken wie die schwein da lagen  
Die knecht das saisst schniten auß in  
Gelt/ guete roß was jr gewin  
Den Türcken was jr hochmuet glegt  
Darnoch das Gschloß wurd angesteckt  
Verbrandt/ zerschlaipfft bisz auff den grund  
Achtzig Christen wurden verwundt  
Bay zehen bliben an der stat  
Der Türckisch hund beschedigt hat  
So bald die Post kam ward bekandt  
Der frumb Erzherzog Ferdinand  
Verordnet wägn vor allen dingn  
Liesz die verwundten knecht all bringn  
Gen Canisa dem hauffen zue  
Das sie da möchten haben rhue  
Kam in zuhilff in jrer not  
Schickt in bier/ wein/ fleisch/ ayr vnd brot  
Liesz sie verbinden fleissiglich  
Wie dann mit augen gsehen ich  
Das Euangeli wurd auch klar  
Im Leger predigt offenbar

B

Der

Der hochgelert vnd wirdig Herr  
Anthony Niglis Magister  
Zu Prag der zeit Spitelmaister  
Des Teutschen Ordens obrister  
Mit rotem strein in allem land  
Was der Durchleuchtigkeit Predicant  
Zu Chrotna auch ain Rundschafter  
Vom Türcken was geschickt daher  
Den sieng man/zeigt jm wie da lagen  
Die Türcken zhackt vnd all erschlagen  
Füert jn im Zeger auff vnd ab  
Schmidt jm maul/nasin vnd ohren ab  
Vnd thet jn widerumb haim jagen  
Zum Schegest ward der kopff abgeschlagen  
Ein Landsknecht omb sein missethat  
Der Henger jn nit recht gricht hat  
Derhalben auß dem ring verjagt  
Vnd gar zu klain stückerlein zerhackt  
Am Neünzehenden kham wir wider zsam  
Zu Schorga daselbst die Beham  
Ich main Schankknecht ain lerman hetten  
Die Landsknecht jn groß schaden thetten  
Schussen vnd schluegen zsam geschwind  
Das bluet jn lieff ober die grind  
Zu Schorga auch ain Rundschafter  
Ein starcker schalck/groß wie ein peer

Ein

Ein Christ von Christo abgefallen  
Den Türcken gfüert allenthalben  
Zim Hungerland zaigt weg vnd strafft  
Bil tausent verkaufft vnd würgen lassin  
Zwölff vnschuldige kindlein zart  
Hat er geraubt/das rewt in hart  
Von Christen bluet auff Christum taufft  
Alle nur vmb ain Rosz verkaufft  
Darumb er nemen muest bösz end  
Ward praten lebendig verprient  
Het gern geben silber vnd gold  
Das man jms leben fristen solt  
Es halff alle nit/er muessit nur dran  
Der blueterkauffer schedlich man  
Wie dem Türcken kamen die mâr  
Chrotna gwunnen/zerschlaipffet war  
Kusz Barossch floch er schnell vnd bhend  
Hats selbs anzündt/in grund verprient  
Ein Quartier schlang er drinnen liez  
Mit puluer sie ganz vol anstiez  
Dacht wann das hausz hieb an zuprennen  
Wurd es das stuck zu drümmern sprengen  
Auch fand man fugl vnd ander geschüß  
Vergraben/zsprengt vnd gar kain nüz  
Wurd hergefüert sambt der Schlangen  
Der Türck wirdt nimmer darmit prangen

Michel Kingsmaul ein Reutinandt  
Zeugmaister ambts, wurd hingefandt  
Das er die Schanzknecht prechen liesz  
Die meür sambt thürnen ombstieß  
Darnoch wurd gsandt Graf von Serin  
Auch herr Carl von Zichernatin  
Mit wol gerüßten Hussarn  
Vnd zwayen gschwader Reütern  
Hinab gar für Dawogsch zustraffin  
Der Türck floch, vnd hueb an zulauffin  
Das hausz Bereschal auch verliesz  
Mit feur er das selbs anstieß  
Der hauff jm eylet nach mit macht  
Zum Sygeth blibens vber nacht  
Darnoch sie auff Laurengen zue  
Darinn der Türck het nimmer rhue  
Verliesz schandlich vnd zog daruon  
Das nam man ein vnd zündets an  
Sy zogen dann in Gottes namen  
Wider in jr alt Leger kamen  
Xhweten ein tag vnd lagen still  
Darnach zu ruckhen war jr will  
Des andern tags auff Sant Martin  
Wie der Türck sie sach kummen hin  
Vnd fallen ein die frembdem gest  
Dacht er, da wirdt es sein das best.

Des segns ich nit erwarten than  
Wie man zu Ehrotna hat gethan  
Siel auß ober die mawer bhend  
Das Schloß wurd plündert außgebrent  
Nie der Türckh durch kundtschafft vernant  
Sechs tausent starck er zu nachts kam  
Vnd griff das kleine heufflein an  
Floch bald wider schändtlich daruon  
Vor Sygeth solches geschach vor tags  
Auff Barwossch wider rucktens gmachs  
Drey tag da blibens/biß das Schloß  
In grund nider gerissen was  
Alsdann kamens wider herauff  
Gen Ischorga zu dem hellen haff  
Weil man handelt in disem faal  
Zu Rab der Obüst Adam Gall  
Verstund das der Türck all sein macht  
Zns feldleger zusam het bracht  
Nam er zu im still ettlich man  
Vnd zog gang eylendt ab gen Gran  
Die edlen Helden vnuerzagt  
Haben jr leben frey gewagt  
Die Burger znachts drinn oberfalln  
Vnd nider gstoehen allenthalbn  
Wo sie sich hin haben gesteckt  
Das haist zum fruestuck auffgeweckt

Bey fünffhundert schluegens nider  
Verpanten d' Stat vnd wichen wider  
Zm Schloß hat es sie seer verdrossen  
Vnd haben munder heraus geschossen  
Die Kriegzleut solches alls mit achtem  
Ein guete peut sie daruon brachten  
Ducaten, Taler, Asperlein  
Wügn nun wol sigen bey dem wein  
Gleich eben zu derselben zeit  
Geschach es von dem Sygeth nit weit  
Der Türck sich wider sehen ließ  
Marco Herbat auch auff in stieß  
Mit seinem Kriegzvolck sezet drein  
Vnd stachens nider wie die schwein  
Camel gladen mit gelt vnd guet  
Namen sie zdanck mit freyem muet  
Die Türcken zogens vmb im thot  
Etlich hundert sie schluegen todt  
Dant Michel habens auch eingnumen  
Darinn vil Türcken seind vmbblumen  
Was gelt vnd guet darinnen was  
Namen sie vnd zogen fürbaß  
Namen wider gen Sygeth ein  
Mit frewdn vnd labten sich mit wein  
Dises orts (Gott lob) hewer wirdt  
Der Türck trewlichen absoluiert

Bis

Wie alles nun was gar vollendt  
Drumb der frumb Fürst was außgesendt  
Mehr. Glecten einnemen thet  
Dann Königliche Maiestat beuolhen het  
Behret dem Türckischen hauffen  
Das er das Land nicht möcht straiffen  
Vnd wir so lang zu Zschorga blibn  
Fürtring vnd gstanck vns dann hat tribn  
Ruckten wir fort grichts nach der schnuer  
Kamen zu der Drag vnd der Muer  
Da lagen wir zwen tag stiller  
Man brathschlagt das nichts besser wer  
Dann Gräniz bseyen/ziehen ab  
Weil man hewr nichts meh. schaffen mag  
Profant vns auch zum tail abgieng  
Vnd thelt sich mit gewalt ansieng  
Derhalben schlueg man da zwo puock  
Vnd schicket widerumb zuruck  
Den Herrn von Volkeil theuren man  
Dem feind wehren vnd widerstan  
Mit seinem gangen Regiment  
Gen Rab hinauff derselben end  
Dambt den schwarzen Reütern  
Auffs ander land die Hussarn  
Ober die Drag auff Steyermarch  
Darnach der frumb Erzhertzog starckh

Mit

Mit seinem Hof Ganen dergleich  
Widerumb zog auff Osterreich  
Jederman was bezalet frey  
Was antraff die Artbalarey  
Der Edl Jheronimus Kirchpuecher  
Zr Maestet was Balmaister  
Im gangen hauffen niemand clagt  
Dem Fürsten wurd groß lob gesagt  
Dann er fleissig zu allen stundn  
An Im ist warlich nichts erwundn  
Sein Herren danckt er fleissiglich  
Das sie ghorfam erzaigten sich  
Wöchten nun wol ziehen zuhausz  
Sich rufften wider ziehen außz  
Wann der wind wider glücklich wäht  
Damit das Rädln basz omb werd dräht  
Zu wolffart vnser Obigkeit  
Das wünscht Wolff Schmägl alle zeit.

Amen.





# Ein new Lied

Gemacht zu Ehren dem Durchleuchtigsten  
Fürsten vnd Herrn, Herrn Ferdinand, Erz-  
herzogen zu Osterreich, als General Feld-  
hauptman dieses Zugs in Hungern durch  
Wolfgang Schmägl Pfarrhern zu  
Sant Laurengen auff dem  
Stainfeld.

In Thulner melody.

**E**ret euch jr Teutschen alle, darzue  
gang Hungerland, Laßt euch das  
wolgefallen, das Erzherzog Ferdinand,  
Sich ellend leßt erbarmen, der gangen Chri-  
stenheit, Thuet solchen Zug verordnen, vnd  
Lumbt zuhilff vns armen, Gott lob in ewig-  
keit.

O Gott im höchsten throne, du milter  
schöpffer guet, Ich bit dich Herz verschone,  
vnd halt in deiner huet, Vnsern Landts-

C

fürsten vnnnd Herren / Edlen vnnnd thewren  
Held / gib glück vnnnd hail auff erden / durch  
in wir sichafft werden / vnnnd thuen was dir  
gefelt.


Wolauß in Gottes namen / jr Christen  
vnuerzagt / Lassit vns all stehn zusamen / auff  
Christum sey es gwagt / Thuet ritterlichen  
fechten / für vnnsrer Vatterland / mit hawen/  
schiessen vnnnd stechen / vnschuldigs bluet zu-  
rechen / lassit euch auff Gottes hand.

Jr Hungern merckt mich eben / zum streit  
euch trewlich richt / Erzaigt ewr hilff dar-  
neben / dann euhs zuguet geschicht / Jr solt  
mit nicht vergessen / wieuil doch tausent man/  
Hungerland hat gefressen / wer kan zalen er-  
messen / solch gschüß munitioen.

Ob der Türck vil verhaisset / vnnnd gibt  
vil gueter wort / Kein glauben er doch laisset /  
erzaigte mit tod vnnnd mordt / So hab wir  
frome Herren / Gotselig Obzigkeit / Sind  
wirdig

wirdig aller ehren / das Römisch Keych zu  
mehrnen / trachten sie alle zeit.

Noch eins will ich vermanen / euch alle in  
gemein / Nit schelt bey Gottes Namen / vnd  
Sacramenten sein. Hiet euch vor raubn vnd  
morden / seit ghorfam vnderthan / Glück ist an  
allen orten / der Türck vnd hellisch pforten /  
mag vnns nicht wider stan.



Faint, illegible text at the top of the page, possibly bleed-through from the reverse side.

Faint, illegible text in the upper middle section, likely bleed-through from the reverse side.

